

1 Tesalonisēnses

1 Pau²lah³lo²na¹xai²na² Si²lah³la² Ti³mo²jah³la²
 nxe³sīn¹sxā³ ũ³wha²li¹lhxā³ ũ³hū²xai³nx2ti³nha¹wa²
 Wxa²nū³ka³txa² Te³sa³lo²ni³ka²thi³na²
 yxau²xai³yah³lxin¹tū³ka³txi³ ĩ³nxai²na² Je³su²jah³la²
 ā³nū²kxi²sxā³ yxau²xai³lyah³lxin¹te² ĩ³nxai²na²
 ũ³wha²li¹lhxā³ ũ³hū²xai³nx2ti³nha¹wa²
 Nxe³nx2ti³nha¹te² ĩ³nxai²na² sa²kxai³lu²
 Txa²wā¹sū³na² a²sa³wi³ha³lxain²txi³ Je³su²
 Kris²tu³jah¹la² Txa²wā¹hxi²kan¹ta² Si³yxau³jah¹lo²su²
 ha²kxai³ nxe³jah¹la² a²sa³wi³ha³lxain²txi³
 yah³lxī¹lxa². Nxe³nx2ti³nha¹ha²kxai³
 Txa²wā¹sū³na² kāin² thāi³ti³la² a³lxī¹nx2ti³si¹hi²
 wxa²nxū²kwa³nāu³a² ā³nhāu²no³txa²lxī³si¹hi²
 nxe³nx2ti³si¹nha¹jau³su² ten³sa²sīn¹nha²wa².

Te³sa³lo²ni³ka²thi³nān¹tū³ka³txa² yxo²ī²ain¹jau³su²

2 Yxo²ī²sxā³ yxau²xai³yah³lxin¹jau³su²
 Txa²wā¹sū³na² e³kxi²to³sī¹na¹wa².
 E³kxi²sī¹na¹jau³xa²sa¹:

— Sū³na² nxe³ti³si¹lxī¹. Yxo²ī²sxā³
 yxau²xai³lai¹nha²kxai³ ĩ³sa²nēn¹kxi²nxa²sī¹na¹wi¹.
 Nxe³sīn¹to³ha¹wa². 3 Yxo²ī²yah³lxī¹nhī¹nān¹te²tu³
 Sū³na² wān³txa² wi¹jau³xa² a²nū²a² yxo²ha³kxa¹
 ĩ³yau¹ū¹te³lhxā³ o²la³kxah¹lxī¹lxa². Sū³na²
 a³lxī²yah³lxin¹jau³su² wi¹lo²la³kxi²yah³lxī¹lxa². Je³su²
 Kris²tu³jah¹la² a³ka³nxi²sxā³ wā³li²ju³ta³nū³a²
 thāi³ti³la² wah³yxah³lxī¹lxa². Nxe³yah³lxin¹kxe³su²
 ĩ²sīn¹te²sa¹wa². Txa²wā¹sū³na² e³kxi²sīn¹na¹tāu³a²
 sa²wa²lho¹xi²sxā³ ĩ²sīn¹to³ha¹wa². 4 Nxe³sxā³

yxo²i²yah³lxi¹nha²kxai³ txa²wā³tā³xa²
 yā¹xah³lxi¹lxa². Txa²wā¹sū³na² a³lxi¹nx2ti³ha²kxai³
 i²sxā³ ā³yū³so¹nx2ti³sin²ta²wa². Nxe³ju³tai²li²
 i²sīn¹te²sa¹wa². 5 Sū³na² wān³txa² wi¹jau³xai²li²
 i³yau¹ū³nx2ti³sī¹na¹jau³xai³tā² kwa² wān³txi³su²
 te²sxa³yu²hē³la². Txa²wā¹sū³na² A²yāu³ka³jxah¹la²
 a²wān³txain²txi²na³la². Nxe³jau³xai²li²
 wā³nxīn¹jau³su² ha²kxai³ ya²la³tu³jau³xai²la¹wa².
 Yxau³ya³nx2ti³sī¹na¹hī¹nai³tā² wain³txi³
 o²la³kxi²nū¹nx2ti³sī¹na¹ju³ta² i²yah³lxin¹tai¹tu³wa².
 6 Yxau³sī¹na¹kxa² yā¹nxe² yxau³yah³lxi¹nha²kxai³
 Je³su²jah³la² yxau³hxai²kxai³ jā¹nxe²
 yxau³yah³lxi¹nha²kxai³ nxe³yah³lxin¹tai¹ti²tu³wa².
 Nxe³sxā³ khāuhx3nyhah¹lxin¹kxan²ti³
 wxa²ē¹nāu³ai²na² ka³lih³yah³lxin¹tai¹ti²tu³wa².
 Sū³na² Yāu³ka³jxah¹la² i³ka³li¹ti¹nx2ti³tai¹ti²tu³wa².
 7 Nxe³yah³lxin¹kxa²yu³su² Ma³se³to²na²ko³xa²
 yxau³te²a² Kre²sa²ko³xa² yxau³te²a² nxe³sxā³
 Je³su²jah³lai²na² wān³txa² yxo²i²ain¹te²nāu³xai²na²
 i²kxi¹nx2tain¹ta¹hē¹la². Nxe³ju³tan¹te²kxa³ya³lhu²
 yxo²i²yah³lxin¹kxa² yā¹nxe² yxo²i²ain¹nūn³ta¹hē¹la².
 8 Nxe² yxo²i²yah³lxi¹nhī¹nai³tān¹te²tu³ Sū³na²
 wān³txa² wi¹jau³xa² u²lxi³ ha³tā³nxe³ta¹hē¹la².
 Ma³se³to²na²ko³xa² Kre²sa²ko³xa²
 ya¹nān¹ta³ko³xa² jau¹xai²li² yxo²i²yah³lxin¹kxe³su²
 ha³tā³nxe³ta¹hē¹la². Nxe³jut3su² ha²kxai³
 u²lxi³ ai³ain¹kxan²ti³ ā²la² ain³kxain¹ta¹hē¹la².
 I³ye³kxain¹sī¹nxa³tā³lxa¹ wxa²wān³txa² ā²la²
 ain³kxi¹nx2tain¹ta¹hē¹la². 9 Jā¹nxe³tū³ka³txai²na²
 sa²kxai³lu² wā²nxūh¹ i³hen³txi³sain¹sī¹na²hē³la².
 Wxā³sxā³ i²nx2ti³nha¹hī¹nai³tān¹jau³xa²

ĩ³yau¹ũ³sain¹sĩn¹na²hẽ³la². Txah³lxa³kxa³txai²li²
 Sũ³nu²sa²ki³lxo³ka³txai²li² ā³yah³lxi¹nha²kxai³
 nxe³sxã³ hã²wxãn³txa³ Txa²wã¹sũ³na²
 Si³yxau³tãu³a² so¹lxi³ ya²la³tu³ te²an²tu³
 ka³tẽn³su² te²an²tu³ sa²yo²we¹jah³lxin¹jau³xai³tã²
 e³kxi²sain¹sĩn¹na²hẽ³la². 10 Jã¹nxe³ju³kxai³lu²
 Je³su²jah³la² Sũ³na² Tah²si²ha²kxai³
 ã¹jah¹lai²li² oh³nãu³a¹ a³ka³nxi²ju³ta³nũ³a²
 wah³nxe³yah³lxin¹ju³ta² ĩ³yau¹ũ³sain¹sĩn¹na²hẽ³la².
 Nxe³jah¹lain²txi³ kxã³nhxĩ¹nai³tã² txa²wã¹ha³lo²a²
 yxau³hĩ¹nai³tã² ya³lu²ha²kxai³ Txa²wã¹sũ³na²
 hi²sen³kxai³lu² ka³tẽn³su² ĩ³sa²yxau³xi²na²hẽ³la².
 Nxe³ju³tan¹te²kxa³yã³lhu² txa²wã¹kõ³nxe³ti³
 kã³ki³ju³ta² a²wa³ha² so¹kxi²nẽ³na²hẽ³la².
 So¹kxi²nẽ³lha²kxai³ Sũ³na² ko³nxe³ti³
 ĩ³yĩ¹li²nẽ³ju³ta³nũ³a² wxa²wa²su¹kxi²nẽ³tu¹wa².
 Jã¹nxe³ju³kxai³lu² ul²yxau³tũ³ka³txai²na²
 sa²kxai³lu² jau¹xai²na² ĩ³hen³txai¹yah³lxin¹jau³xa²
 ĩ³yau¹ũ³sain¹sĩn¹na²hẽ³la².

2

Te³sa³lo²ni³ka²thĩ³na² Pau²lah³la² o²la³kxi²jau³su²

1 Jã¹nxe³ju³kxai³la¹ wxã³sĩ¹na¹hĩ¹nai³tã²
 ĩ³tih³nxe³nx²ti³sĩ¹na¹tai¹ti²tu³wa². Kwa²wãn³ti³su²
 ĩ³tih³nxe³nx²ti³sĩ¹na¹nxa³tai¹ti²tu³wa².
 Nxe³sxã³ ain³kxi²sah¹lxi³nhĩ¹nha²kxai³
 sa²yo²wet¹sah¹lxi³nhĩ¹nhẽ³la². 2 A²kxã³nxa²
 Fi³li³po²thĩ³na² ai³sĩ¹na¹ti³ai¹ti²tu³wa².
 Nxe³hĩ¹nai³tãn²tu³ Sũ³na² wãn³txa² wi¹jau³xa²
 ĩ³yau¹ũ³ain¹sĩ¹na¹hẽ³la². Nxe³tãu³ãn²tu³ta¹
 Sũ³na² wãn³txa²kxai³lu² e²nai¹nha²kxai³
 ye³khãuh³lxa³ti³sain¹sĩn¹na²hẽ³la². Hã²wxãn³txa³

ā³waix3tū²la² wxā³sī¹na¹tai¹ti²tu³wa².
 Wxā³sī¹na¹ka³tu³ Sū³na² wān³txain²txi³
 ya³lo³txi²sxā³ ī³yau¹ū³nx2ti³sī¹na¹tai¹ti²tu³wa².
 Sū³na² wān³txa²e²nain¹te²a²wa³ka³ti³lot3sain¹sīn¹kxan²ti³
 Txa²wā¹sū³nu²kxai³lu²ī³ya³lo³ti²te²lot3sa²sī¹nha²kxai³
 Sū³na² wān³txa²kxai³lu²ī³yau¹ū³nx2ti³sī¹na¹tai¹ti²tu³wa².
 3 ī³yau¹ū³nx2ti³sī¹na¹hī¹nai³tā² wān³txa²
 wain³jau³xa² ā³na¹sxā³ ā³waix3si¹yah³lxin¹jau³su²
 kāi³ūh¹nx2ti³sīn¹nxa³ha²kxai³ ko³nxe³ti³
 kāi³si¹yah³lxin¹jau³su² kāi³ūh¹nx2ti³sīn¹nxa³ha²kxai³
 ā³ke³tū¹si¹yah³lxin¹jau³su² kāi³ūh¹nx2ti³sīn¹nxa³ha²kxai³
 nxe³nx2ti³sī¹na¹tai¹ti²tu³wa². 4 Nxe³yān¹ta¹
 kā³nxai³kai³lu² Txa²wā¹sū³na² hi²sen³su² ī²sxā³
 sa²so¹sa²sīn¹te³nah¹lxī¹:

— Wxāi²na² txa²wān³txa² wi¹jau³xa²
 ī³yau¹ū¹sīh¹nx2tai¹na¹jau³su² ī³sa²si¹hā³nx2ta¹tu¹wi¹.
 Sain¹sī¹nha²kxai³ Sū³na² wān³txa² so¹lxī³
 ī³yau¹ū¹nx2ti³sī¹na¹tai¹ti²tu³wa². Txa²wā¹sū³na²
 wi¹lī²sa²sīn¹ju³ta² so¹lxī³ ten³sa²sī¹nha²kxai³
 a²nū²a² so¹lxī³ kwa² ī³wi¹lxo³kxi²sain¹sīn¹ju³ta³la³
 ten³sa²sī¹nxa³ha²kxai³ sī¹na¹hē³la², Txa²wā¹sū³na²
 hi²sen³su² txa²wā¹ē¹nāu³ai²nān¹jau³xa² ī³ye³sxā³
 ī³sai¹ki³sxa³jau³xa² a³la³kxi²nē³lha²kxai³la².
 5 Kwa²hāi¹nxe² wi¹le¹nx2ti³sī¹nxa³kxe³su²
 nxe³sīn¹nxa³tai¹ti²tu³wa². Te²yā¹nxe³sxā³
 ī³yau¹ū¹nx2ti³sī¹na¹kxa²yo³ha²ten³sīn¹nxa³tai¹ti²tu³wa².
 Jā¹nxe³nha¹jau³xai²na² yxo²ha³kxa¹
 Txa²wā¹sū³na² ī²sain¹sīn¹nha²wa²,
 ī³ki³ha¹kxi¹nx2ti³sī¹na¹kxa²yān³ti³sa².
 6 Jā¹nxe³jut3su² wxa²nū³ka³txai²la³ ta³nxa² a²nū²a²
 ā³su² ta³nxa² kwa² sa²nēn¹ki²sah¹lxī³nhīn¹ju³ta²
 a²nū²a² ten³sa²sīn¹nxa³tai¹ti²tu³wa².

Kris²tu³jah¹la² ĩ³sa²si¹hã³sa²sĩn¹tai¹ti²tu³wa².
 Nxe³ha²kxai³ yxo²xũn³jau³xa² hxi²kan¹txi³
 e³kxi¹nx2ti³sĩ¹nhĩ³na¹wa². Yxãn¹ta¹
 ten³sa²sĩn¹nxa³hẽ¹la². 7 Sa²sĩn¹nxa³ha²kxai³
 txu¹ha² a²wẽ³sa³khai³xa² a³lxi²sxã³ wi¹wi¹nxe³
 sa²hau³ko³kxa² a²su³su³yau³xa² ũ³hũ¹te²ju²hẽ³la².
 Nxe³kxa²yã¹nxe³sxã³ wi¹wi¹nxe² thãi³ti³la²
 Sũ³na² wãn³txai²na² ĩ³yau¹ũ¹nx2ti³sĩ¹na¹hẽ³la².
 8 A³lxi²khai¹nxe³nx2ti³sĩ¹na¹wa². Nxe³ha²kxai³ Sũ³na²
 wãn³txa² wi¹jau³xa² ĩ³yau¹ũ¹nx2ti³sĩ¹na¹tai¹ti²tu³wa².
 Ya³lu²ye¹nx2ti³sĩ¹na¹kxan²ti³ ã³nx2ti³sĩ¹nhĩ³nxãn²nxa³wa².
 9 Txa²wã³tã³nãu³xãi³. Wxa²nũ³ka³txa²
 he¹ya³nx2ti³sĩ¹na¹ju³tai³tã² ain³kxi¹xi²nha¹jah³lxi³hẽ¹la².
 Nxe³sxã³ Sũ³na² wãn³txa² wi¹jau³xa²
 ĩ³yau¹ũ³nx2ti³te³lhxã³ wxã³sĩ¹na¹tai¹ti²tu³wa².
 Nxe³sĩ¹na¹ka³tu³ta¹ a³lan²ta² yxo²ha³kxa¹
 ka³nxah³ta² yxo²ha³kxa¹ wa³ka³li³yu³khai³xa²
 nũ³kxũn³txi³ wa³kon³sĩ¹na¹tai¹ti²tu³wa², yen³kxa²
 wã²nhũ²hxat3sah¹lxi³nhĩn¹kxa²yãn³txi³sa².

10 Sũ³na² ye³na² ko³nxe³ti³ o²la³kxi²sĩ¹nxa³ha²kxai³
 wxa²ye³na² yxo²i²yah³lxin¹tũ³ka³txai²nãn¹ta²
 ye³na² ko³nxe³ti³ o²la³kxi²sĩ¹nxa³ha²kxai³
 sĩ¹na¹tai¹ti²tu³wa². Hxi²kan¹sxã³
 wain³ju³ta² so¹lxi³ o²la³kxi²nha¹tai¹ti²tu³wa².
 Ko³nxe³te²lot3sain¹sĩn¹ju³ta³la³ yũ²nxa³tai¹ti²tu³wa².
 Ju¹tai²li² Txa²wã¹sũ³na² ĩ²sa²nũn³sĩn¹nha²wa².
 11 A²wĩ³nu²su² a²wãi³lxi³khai³xa² wi¹li³tih³nxe²
 ĩ³nxũ²kwai³lxũ¹txi² nxe³ũh¹te²ju²hẽ³la².
 Nxe³kxa²yã¹nxe³sxã³ Sũ³na² wãn³txa² wi¹jau³xa²
 ĩ³tih³nxe³nx2ti³ha²kxai³ ĩ³nxũ²kwai³lxũ¹jau³su²
 ĩ³ye³kxi¹nx2ti³ha²kxai³ wãn³txa² yxo²ha³kxa¹
 sa²hxi²kãu²lxa³ki²la² ĩ³yau¹ũ¹nx2ti³ha²kxai³

nxe³jau³xai²na² whāi²na¹ nxe³sī¹na¹tai¹ti²tu³wa².

12 ĩ³tih³nxe³nx2ti³sī¹na¹te³nah¹lxi¹:

— Txa²wā¹sū³na² wān³txa² sa²yo²we¹jah³lxi³si¹nhē³li¹.

Nxe³nha¹jau³su² ĩ³ya³lo³txa²lxi³to³nha¹ha²kxai³

ĩ³tih³nxe³nx2ti³sī¹na¹tai¹ti²tu³wa².

Nxe³nha¹jau³xai²li² we¹jah³lxin¹kxai²nān²tu³

yxau²xai³lyah³lxin¹kxe³su² Txa²wā¹sū³na²

ĩ³ka²li¹jah³lxin¹tu¹wa². Nxe³kxa²yu³su²

kxān³nāu³a¹ wxi²kin³ti³ton³sxā³ ĩ³hxi²kat¹sxā³

ā³wa³kxēn³to³tē³nū³nhī¹na¹ka²li¹txa²lxi³sxā³ Sū³na²

ha³lo²a² yxau³kxah¹lxin¹tu¹wa².

13 Sū³na² wān³txa² wi¹jau³xa²
ĩ³yau¹ū¹nx2ti³sī¹na¹hī¹nai³tā²nxe²e³kah¹lxin¹te³nah¹lxi¹:

— Jau¹xai²na² a²nū²a² wān³txi³sxa³wi¹. Sū³na²

wān³txi³khai³xai²la¹wi¹ Yxo²ĩ²nha¹nhai¹.

Nxe²e³kxah¹lxin¹jau³su² ha²kxai³ Sū³na²

sa²nēn¹kxi²to³nha¹hē³la². Jau¹xai²na²

yo²ĩ²yah³lxi¹nhī¹nān¹te²tu³ wxa²ē¹nāu³ai²na²

nū³kxūn³txi³ sa²hau³ko³txa²lxi³na³la².

14-15 Txa²wā³tā³nāu³xāi³. Wxa²nū³ka³txa²

ha³tih³xa² hxi²ka² Te³sa³lo²ni³ka²thi³na²

yxau³te² ĩ³nxā² khāuh³lxa³ti³nx2tain¹tai¹ti²tu³wa².

Te²u¹jā¹nxe³sxā³ ha³la³je¹nhī¹nai³kxai³

Ju³te²an¹ko³xan¹tū³ka³txai²na² wā²nxūh¹lxi³sxā³

yo²ĩ²tū³ka³txa² khāuhx3nhyain¹tai¹ti²tu³wa².

Nxe³tū³ka³txa² kō³nxe³ti³ kāi³ain¹tai¹ti²tu³wa².

Nxe³tū³ka³txai²na² hi²sen³kxai³lu² kān³kxai³

Sū³na² wān³txa² ĩ³hen³txi³tū³ka³txai³tā²

su²lhā³ai¹ni² Je³su²jah³lai²na² Txa²wā¹hxi²kan¹ta²

Si³yxau³jah¹lai²na² su²lhā³i² nxain¹tai¹ti²tu³wa².

Te²yā¹nxūn³sxā³ tū¹ka³txain²txi³

khāuh³lxa³thit1sain¹sīn¹nūn³na²hē³la². Sū³na²

wān³txa² sa²yo²we¹tai¹nxa³tũ³ka³txai²lẽ¹. Hāi¹sxã³
a²nũ²a² a²yo²ha³kxa¹ a²ko¹ko¹nũ³ka³txai²la¹wa².
16 Jā¹nxain¹kxa²yu³su² Ju³te²a² nũ³ka³txi³sxa³te²a²
ĩ²li³te²a¹ Sũ³na² wān³txa² wi¹jau³xa²
ain³kxi²sain¹sĩn¹sxã³ ko³nxe³ti³ kãi³ain¹kxa²yo³ha²
ã³wa²su¹tũ¹hain¹te³na¹ ko¹ko¹nũ³ka³txa²
hi²sen³kxai³lu² ã³nhxi²kat1sa²sĩn¹nxa³kxe³su²
o²la³kxi²sai³nain¹na²hẽ³la². Nxe³ju³tan¹te²kxa³ya³lhu²
ko³nxe³ti³ kãi³ain¹ju³ta² ã²la² kãi²non³na³la².
Nxe³ju³tan¹te²kxa³ya³n³tu³ti¹ Txa²wã¹sũ³na²
kãin²xan³txi²na³la². Ye³khãuh³lxa³tain¹ju³ta³nũ³a²
ã²la² kãi²non³sxã³yũ³ain¹tu¹wa².

Pau²lah³la² *Te³sa³lo²ni³ka²thĩ³nãn¹tũ³ka³txa²*
ĩ²xi²lxun¹jau³su²

17 Txa²wã³tã³nãu³xãi³. Kxãn³su² ã³sxã³
wai³ta²lxi³sĩn¹na¹kxan²ti³ ãh¹ĩ²xi²ti³ten³khai¹nxe³nx2ti³sĩn¹na¹hẽ¹la².
Ne³kan¹ti³hex1sa²sĩn¹nxa³hẽ¹la². Ul²yxau¹sĩn¹na¹kxan²ti³
ne³wã²nxa²lxi³sĩn¹nxa³hẽ¹la². Nxe³sĩn¹nxa³ha²kxai³
wã³li²sĩn¹na¹ju³ta³nũ³a² ne³wa³kon³nha²sĩn¹na¹hẽ³la².

18 Ĩ²xi²ti³ten³khai¹nxe³nx2ti³sĩn¹na¹hẽ¹la²,
txai²na¹xai²na² Pau²lah³lo²na¹xai²na²sa³. Yxãn¹ta¹
Sa³ta³na²jah¹la² hxi²kat1sa²sĩn¹to³hxa³hẽ¹la².

19-20 Nxe³kxan²ti³ a²yan¹nãu³a¹ Je³su²jah³lai²na²
wān³txa² nũ³kxũn³txi³ sa²yo²we¹ta²
yxau²xai³lyah³lxin¹ju³ta² yo²ĩ²nx2ta¹nha²wa².
Nxe³ha²kxai³ Je³su²jah³la² Txa²wã¹hxi²kan¹jah¹la²
a³ka³nxi²tãu³a¹ ka²li¹txi³sah¹lxi³nhĩn¹tu¹wa².
Nxe³ha²kxai³ Je³su²jah³la² e³kxi²sain¹sĩn¹tu¹wa².
E³kxi²sain¹sĩn¹te³nah¹lxi¹:

— Wain³txi³ o²la³kxi²yah³lxin¹tai¹ti²tu³wi¹.
Txa²wān³txa² wi¹jau³xa² a²nũ²a²
yo²ha³kxa¹ ĩ³hen³txain¹yah³lxin¹tai¹ti²tu³wi¹.

Nxe³sain¹sīn¹tu¹wa². Jā¹nxe³ju³kxai³lu²
 sa²yo²we¹jah³lxi¹nha²kxai³ yxo²kāin²txi³
 ī³hen³txain¹sī¹na¹wa². Ka²li¹txi³khaix¹sah¹lxi³nhi¹lxa².

3

¹ Nxe³nxa²ha¹te¹:

— Ha³ta³nxe³nyha¹lxi³te²sin¹ji¹xā¹.

Nxe³nx2ta¹ta¹ yah²lxa³nha²kxai³la¹
 Ti³mo²jah³la² sa²si¹hā³ain¹sī¹na¹hē³la².
 Nxe³sī¹na¹nū²la² A³te²nas²thi³na² yxau³sxā³
 wah³nxain¹sī¹na¹hē³la². ² A²nxe³jah¹lai²li²
 Ti³mo²jah³lai²li² Je³su²jah³lai²na² wān³txa²
 yxo²ī²jah¹lo²su² ha²kxai³ ā³si³tē³kxi²sa²sxā³
 wa³kon³ya³sa²jah¹lo²su² ha²kxai³ txai²yā¹nxe³sxā³
 Sū³na² wān³txa² wi¹jau³xa² ī³yau¹ū¹jah¹lai²la¹wa².
 A²nxe³jah¹la²kxai³la¹ ī³nxū²kwai³lxū¹nxa²lxi³te³lhxā³
 ū³sa²si¹hā³sī¹na¹hē³la². ī³nxū²kwai³lxū¹nxa²lxi³kxai²nān²tu³
 ā²la² kāi²non³sxā³ Je³su²jah³lai²na² wān³txa²
 yxo²ī²yah³lxin¹tu¹wa². ³ Nxe³sxā³
 khāuh³lxa³thin¹sxā³ ai³yah³lxin¹ju³tai³tā²
 Txa²wā¹sū³na² a²ten³jau³su² na³la².
 Nxe³jut3su² ha²kxai³ Je³su²jah³lai²na² wān³txa²
 ī³wā³wā³ta³kxah¹lxi³txa³hē¹la². Nxe³ju¹tai²na²
 ā²la² a³la³kxi²yah³lxi³te²si¹lxa². ⁴ Jā¹nxe³ju³ta²
 wxa²yu³ta² yxau³ya³nx2ti³sī¹na¹hī¹nai³tā²
 nxe³nx2ti³sī¹na¹te³nah¹lxi¹:

— Khāuh³nxē³lain¹ju³ta³nū³a² kāin²

yū³nē³lha³tai¹. Nxe³nx2ti³sī¹na¹tai¹ti²tu³wa².
 Nxe³nha¹te³na¹ ya²la³tu³ wxā³sīn¹tai¹ti²tu³wa².
⁵ Nxe³nū²la² wah³nx² hxi²tha³nha¹ha²kxai³
 Sū³na² wān³txa² kan²txi³ sa²yo²we¹tain¹te²nha²ku²
 Sa³ta³na²jah¹lai²na² sa²kxai³lu²ī³hxi²tha³tai¹nha²kxai³

sa²yo²ã³ain¹te²nha²ku²kwa²i³yau¹ũ¹ai¹na¹te²nha²ku²
nxa¹jau³su²Ti³mo²jah³la²sa²si¹hã³sĩ¹na¹tai¹ti²tu³wa².

6 Nxe³nũ²la² Ti³mo²jah³la²kxai³lu² i³xi²sxã³
ĩ³hen³txi³sa²sĩ¹nha²kxai³ ka³li³sa²sĩ¹nha²wa².
Sũ³na² wãn³txa² yxo²i²khai¹yxah³lxi¹nha²kxai³
a³lxi²waun¹nyha¹lxi¹nha²kxai³ wa³li²si¹sah¹lxin¹sĩ¹jau³su²
ten³khai¹yxah³lxi¹nha²kxai³ nxe³sah¹lxi³nhĩ¹nha²kxai³
wxa²e¹nãu³ai²na² ain³sxã³ ain³kxi²xi¹nx2ti³to³tãu³a²
ĩ³ka³li³kxah¹lxi³to³hi¹nha²kxai³ nxe³sxã³
ka³lih³khaix1sa²sĩ¹nha²wa². Te²yã¹nxe³sxã³
ĩ²nx2ti³sĩ¹na¹ju³ta² ten³khaix1sa²nũn³sĩ¹nha²wa².

7 Txa²wã³tã³nãu³xãĩ³. Sũ³na²
wãn³txa² kan²txi³ yxo²i²yah³lxi¹nha²kxai³
ĩ³nxũ²kwai³lxũ¹khaix1sah¹lxi³nhĩ¹nhẽ¹la².
Khãuh³lxa³ti³khaix1sain¹sĩ¹kxan²ti³
ka²li¹txi²sah¹lxi³nhĩ¹nhẽ¹la².

8 Sũ³na² wãn³txa²
nũ³kxũn³txi³ sa²yo²we¹jah³lxi¹nha²kxai³
ĩ³nxũ²kwai³lxũ¹khaix1nha²sxã³ yxau²xai³sĩ¹na¹wa².

9 Nxe³ha²kxai³ wxa²ha³ta³nxãn¹jau³xai²na²
ain³kxi²sĩ¹na¹ha²kxai³ ka²li¹txi³sah¹lxi³nhĩ¹nhẽ¹la².
Nxe³sxã³ i³hen³txi³sain¹sĩ¹nha²kxai³ Txa²wã¹sũ³na²
sa²nẽn¹kxi²khaix1sĩ¹na¹wa². 10 Ka³nxah³ta² i³hen³txi²
a³lan²ta² i³hen³txi² to³sĩ¹na¹wa².

— Sũ³nãĩ³. Te³sa³lo²ni³ka²thĩ³nãn¹tũ³ka³txa²
ãh¹i²ti³ten³khaix1sa²sĩ¹nhai¹. Wã³li²sĩ¹na¹ju³ta²
ĩ³hxi²kat1sa²sãn²sĩ¹nhẽ³li¹. Wxa²wãn³txa²
yxo²i²ain¹na²hẽ³li¹. Jã¹nxain¹sxã³

yxo²i²wa³to²hi²si¹hai¹nha¹jau³su² ten³sa²sĩ¹nhai¹.
Wxa²wãn³txa² taut3ton³jau³xai²na²
wã³ko³nxa³te²tu³wa³li²sxã³ i³hen³txain¹sĩ¹na¹jau³nũ³su²
ten³sa²sĩ¹nhai¹. Nxe³yah³lxi³sĩ¹to³ha¹wa².

11 Jã¹nxe³ju³ta² Txa²wã¹sũ³na²
Si³yxau³jah¹la² hi²sen³kxai³lu² Je³su²jah³la²

Txa²wā¹hxi²kan¹jah¹lo²kxai³lu² nxe³ya³sxā³
 wā³li²nha¹ju³ta³nū³a² sa²hau³kot3sa²sīn¹ju³ta³nū³a²
 ten³sa²sīn¹nha²wa². 12 A³lxi²waun¹nyhah¹lxin¹ju³ta²
 ā²la² kãi²non³ju³ta² ten³sa²sī¹nha²kxai³
 a²nū²a² yxo²ha³kxa¹ a³lxi²nyhu¹si¹nx2ta¹jau³su²
 ten³sa²sī¹nha²kxai³ a³lxi¹nx2ti³sī¹na¹kxa² yā¹nxe²
 a³lxi²waun¹nha¹jah³lxi³sxā³ nxe³si¹nx2ta¹jau³su²
 Sū³na² e³kxi²sīn¹to³ha¹wa². 13 Jā¹nxe³nx2ti³jut3su²
 ha²kxai³ Txa²wā¹sū³na² hi²sen³kxai³lu²
 i³nxū²kwai³lxū¹txi³nx2ti³tu¹wa². Hā²wxān³txa³nū²
 kxā³nāu³a¹ Je³su²jah³la² Txa²wā¹hxi²kan¹ta²
 Si³yxau³jah¹la² wxa²kan³sxā³ wā³li²tu¹wa².
 Wā³li²kxai²nān²tu³ a²sa³wi³ha³lxi³nāu³xa²
 yxo²i²te²nāu³xai²na² ā³si³tē³la³kxain¹tu¹wa².
 Nxain¹kxai²nān²tu³ Txa²wā¹sū³na² Si³yxau³jah¹la²
 Txa²wā¹wi³nu²su² ha²kxai³ nxe³te²a²
 yen³nāu³a¹ wain³te²lo³je¹nx2ti³ha²kxai³
 wi¹lhin¹te²lo³je¹nx2ti³ha²kxai³ nxe³ye¹nx2ti³tu¹wa².

4

Txa²wā¹sū³na² i³ka³li³kxi²sxā³ yxau²xai³ki³jau³su²

1 Txa²wā³tā³nāu³xāi³. Txa²wā¹sū³na²
 i³ka³li³kxi²sxā³ yxau³sxā³ kãi³yah³lxin¹ju³ta²
 ā²la² i³yau¹ū¹nx2ti³nha¹tai¹ti²tu³wa². Je³su²jah³la²
 Txa²wā¹hxi²kan¹jah¹la² i³yau¹ū¹sa²sīn¹jau³xa²
 jau¹xain²txi³ i³yau¹ū¹nx2ti³nha¹tai¹ti²tu³wa².
 Sa²yxo²we¹jah³lxin¹kaix³ jā¹nxe³sxā³
 ā²la² nū³kxūn³txi³ sa²yxo²we¹ta²
 wa³to²hi¹jah³lxi³hē¹la². Thāi³ti³la²
 e³kxi¹nx2ti³sī¹na¹wa². 2 Nxe³jau³xai²li² Je³su²jah³la²
 Txa²wā¹hxi²kan¹jah¹la² i³tih³nxe³jau³xain²txi³

ĩ³yau¹ũ¹nx²ti³nha¹tai¹ti²tu³wa². 3 A²nxe³jau³xai²na²
Txa²wã¹sũ³na² a²ten³jau³xai²la¹wa². Nxe³te³nah¹lxi¹:

— Txa²wã³txa² yxo²ha³kxa¹ wi¹lĩ²nha²sxã³
sa²yxo²we¹thxa³jah¹lxi³hẽ¹li¹. Kō³nxe³thin¹sxã³

ũ³whĩn¹ta³kxi²nyhu¹ah³lxin¹ju³ta²
ã³na¹hxa³jah¹lxi³hẽ¹li¹. Nxe³nx²tain¹na³la².

4 Wxa²ẽ¹nãu³ai²na² wi¹lhin¹sxã³
wã²nxũh¹hain³nha¹jah³lxi³hẽ¹la².

Yah³lxin¹kxai²nãn²tu³ txu¹su² ta³nxa² in³txi³su²
ta³nxa² kō³nxe³thin¹sxã³ o²la³kxi²yah²lxan³tho³la².

Nxe³ha²kxai³ a²nũ²ai²na² sa²kxai³lu² txu¹su² ta³nxa²
in³txi³su² ta³nxa² so¹yhu¹sxã³ tẽ³khaix¹yhu¹te²a²

so¹lxi³ ũ³whĩn¹ti³kxai²nãn²tu³ wai³nhĩ³nx²na³la².
Yxã¹ta¹ a²nũ²a² ã³xa² ũ³whĩn¹ti³kxai²nãn²tu³

kō³nxe³ti³ kãĩ³hĩ³nx²na³la². Te²yã¹nxe³sxã³
in³txai²li² txu¹txa²jah¹lai²li² txu¹ha² ã³xa³ka³lxa²

ũ³whĩn¹ti³kxai²nãn²tu³ wai³nhĩ³nx²nxa³wa².
Kō³nxe³ti³ kãĩ³hĩ³nx²na³la². 5 Nxe³ju³tai²li²

Ju³te²a² nũ³kã³txi³sxa³te²nãu³xa² kō³nxe³thin¹sxã³
o²la³kxi²nyhu¹ain¹te²ju²hẽ³la², Txa²wã¹sũ³na²

wã³txa² ĩ²ai¹nxa³ha²kxai³la². A²nxe³ju³tai²li²
Txa²wã¹sũ³na² yxo²kwĩ¹kxi²ju³tai²la¹wa².

6 Te²yã¹nxe³ju³ta² a²nũ²a² ã³xa² ã³ke³tũ¹sxã³
a²sxe³xa² ũ³whĩn¹ti³yah³lxi³txa³hẽ¹la². Yxã¹ta¹

nxe³yah³lxin¹kxai²lẽ¹. Txa²wã¹sũ³na²
hxi²ki³kxai³lu² ĩ³wait¹sxã³ ĩ³khãuh³nxe³nx²ti³tu¹wa².

Nxe³jau³xai²li² Sũ³na² wã³txi³su² ha²kxai³ e³lai²na¹
e³kxi¹nx²ti³sĩn¹to³ha¹hẽ³la². 7 Jã¹nxe³jut³su²

txa²wã¹ẽ¹nãu³ai²na² kō³nxe³ti³ o²la³kxi²si¹kĩ³jau³su²
ĩ³kaix¹so¹nẽ³lxa³tai¹ti²tu³wa², Txa²wã¹sũ³na²sa³.

Yxã¹ta¹ Txa²wã¹sũ³na² sa³wi³ha³lxa² yã¹nxe²
o²la³kxi²si¹kĩ³jau³su² nxe³nẽ³lain¹tai¹ti²tu³wa².

8 Nxe³jau³xai²li² e³kxi¹nx2ta¹jau³xai²na²
 i²li³te²a² en²sxā³ sa²yo²ā³yah³lxin¹kxai²nān²tu³
 hai³txi³ kwa²wān³txi³khai³su² en²sxā³
 sa²yo²ā³yah³lxi³hī³nx2nxā³lxa². Txa²wā¹sū³na²
 wān³txi³khai³su² en²sxā³ sa²yo²ā³yah³lxi³hī³nxa¹lxa².
 Nxe³kxa²yu³su² Txa²wā¹sū³na² Yāu³ka³jxah¹la²
 nxū²kwai³yxau³nx2ti³jah¹la² en²sxā³
 sa²yo²ā³yah³lxi³hī³nxa¹lxa². Nxe³jut3su²
 Txa²wā¹sū³na² hi²sen³kxai³lu² A²yāu³ka³jxah¹la²
 ū³hū¹nx2ti³jah¹lai²la¹wa².

9 Nxa²ha¹te¹ yo²i²yah³lxin¹te² i³nxa²
 a³lxi²waun¹nyhah¹lxin¹ju³ta² a³la³kxi²yah³lxi¹lxa².
 Txa²wā¹sū³na² hi²sen³kxai³lu² jau¹xain²txi³ ā²la²
 i³yau¹ū¹nx2ti³tai¹ti²tu³wa². 10 Txa²wā³tā³nāu³xāi³.
 Yxo²i²tū³ka³txa² Ma³se³to²na²ko³xan¹te²a²
 hāi¹nxe³ti³xa¹ a³lxi²nū¹hain¹yah³lxi³ta¹hi¹nhē¹la².
 i³a³lxi² kāin²non³tain¹yah³lxi³hē¹la². Thāi³ti³la²
 e³kxi¹nx2ti³sī¹na¹wa². 11 Ha³nxeh³lxa³ti³nha²sxā³
 yxau³ya³nyhu¹ah³lxi³txa³hē¹la². Jā¹nxe³sxā³
 a²nū²a² ā³xa² a²wa³ka³li³yu³ta²
 wxa²wxai³kxi²yhu¹ah³lxi³txa³hē¹la².
 Wi¹yxau³yah³lxin¹ju³ta² a²yen³kxa² wā²nxū¹h¹lxi³
 wa³kon³sxā³ so¹jah³lxi³hē¹la². Nxe³jau³xa²
 whāi²na¹ kwa³na³nxa²lxa¹jau³xai³txa³lxi²na³la².
 Wi¹wi¹nxe² ān³ten³jah¹lxi³sxā³ kāi³jah³lxi³hē¹la².
 12 Jā¹nxe³sxā³ nxe³yah³lxin¹kxai²nān²tu³
 Txa²wā¹sū³na² wān³txa² yo²i²xa³te²a²
 sa²nēn¹ki¹nx2tain¹tu¹wa². Nxe³nx2tai¹nha²kxai³
 wxa²yen³kxa² hxa³n³kxi¹nx2ti³xa³lho³la².

Txa²wā¹hxi²kan¹ta² Si³yxau³jah¹la² a³ka³nxi²sxā³
 wa³li²jau³su²

13 Txa²wā³tā³nāu³xāi³. Wān³txa² tah²yau³xa²
 ī³tih³nxe³nx2ti³sī¹na¹tu¹wa². A²nū²a²
 Je³su²jah³lai²na² wān³txa² yxo²i²te²ki³nāu¹xai²na²
 ya³lu²ki³ju³ta² ī³yau¹ū¹nx2ti³sī¹na¹tu¹wa².
 Nxe³ju³ta²sa¹ ya³lu²ki³kxai²nān²tu³ kāin²
 āin²ti³yah³lxi³txa³hē¹la². A²nū²ai²li² Je³su²jah³lai²na²
 wān³txa² yxo²i²xa³te²su² te²a² Je³su²jah³lai²li²
 a³ka³nxi²ju³ta³nū³a² wah³nxai¹nx³ha²kxai³
 kāin² ī³āin²ta³kxi²nha²ha²kxai³ nxe³hī³nx2na³la².
 Ta¹ wxāi²na² ti³he¹yah³lxi³an³tho³la².
 14 Nxe³ha²kxai³ kā³nxi¹na³kxai³
 Je³su²jah³la² ya³lu²ta¹hxai²ti³ai¹ti²tu³wa².
 Nxe³to³ta¹ a²nū²khai³su² ka³ten³su²
 ī³sa²yxau³xi²ta¹hxai²ti³ai¹ti²tu³wa². Jau¹xai²na²
 ya²la³tu³ yxo²i²ki³tā³la². Jā¹nxe³kxe³hū³nxe²
 yxo²i²sxā³ ya²lun¹ti³tū³ka³txai²na² yxo²ha³kxa¹
 Txa²wā¹sū³na² ka³ten³su² tē³xi²tu¹wa², Je³su²jah³la²
 a³ka³nxi²tāu³a²sa³. Jau¹xai²li² hxi²kan¹txi³
 yxo²i²nūn³ki³tā³la².

15 Nxe³hī¹na¹ a³ka³nxi²tāu³ Sū³na²
 wān³txa² yxo²i²sxā³ ya²lun¹ti³tū³ka³txa²
 txa²nū² a²nū²khai³su² tē³sxā³ ī³ka³ten³su²
 ti³hit1sxā³ a³ka³nxi²tu¹wa². Txai²na¹xai²na¹
 ka³ten³su² yxau³te²ki³nāu¹xai²na² ā³sxā³
 ne³ka³ta²nē³lain¹tu¹wa². A²nxe³jau³xai²na²
 Txa²wā¹sū³na² wān³txi³khai³xai²la¹wa².
 16 Jā¹nxe³ju³kxai³lu² Txa²wā¹hxi²kan¹ta²
 Si³yxau³jah¹la² kāin² ī³kaix1sxā³ a³ka³nxi²
 oh³xan¹jah¹la² a²hxi²kan¹te²su² te²a² kāin² wxa¹ni²
 Txa²wā¹sū³na² wāi²lhū³ka³txa² wxa²no²la³kxi²
 nxe³sxā³ a³ka³nxi²tu¹wa². Je³su²jah³lai²na²
 wān³txa² yxo²i²sxā³ ya²lun¹ti³tū³ka³txa²

ka³ten³su² i³sa²yxau³sxã³ ka³la³nũ¹hain¹sãn²tu¹wa².
 17 Nxe³hĩ¹na¹ txa²wã¹ki³nãu¹xai²na²
 yxo²i²ki³tũ³ka³txi³ki³nãu¹xai²na² yuh³xan¹ko³xa²
 ka³ten³su² yxau³tũ³ka³txi³ki³nãu¹xai²na²
 sa²so¹xi²nẽ³lha²kxai³ i³ka³la³si¹nhẽ³tu¹wa²
 Nxe³tĩ³kxai³lu² oh³sĩ³nãu³a¹ yxo²i²sxã³
 ya²lun¹ti³tũ³ka³txai²na² kwẽn¹ta¹
 a²nũ²khai³su² ka³ten³su² i³sa²yxau³sxã³
 ka³la³nũ¹hain¹tũ³ka³txai²na² Txa²wã¹hxi²kan¹ta²
 Si³yxau³jah¹la²kwẽn¹ta²a³ka³nxi²ya³hain¹tũ³ka³txai²na²
 i³ha¹txain¹ki³tu¹wa². Nxe³ki³sĩ¹nãn¹te²tu³
 Txa²wã¹hxi²kan¹ta² Si³yxau³jah¹la²
 yxau²xai³la³kxi²ki³tu¹wa². ã³sxã³
 yxau²xai³ti³hexi¹ki³sxa³lho³la². 18 Nxe³ju³ta²li²
 wãn³txi³khai³xai²la¹wa². Ki³han³nxa³wa²
 Nxe³jut³su² i³nxũ²kwai³lxũ¹nyhu¹te³lhxã³
 i³yau¹ũ³nha¹jah³lxi³hẽ¹la². Je³su²jah³la²
 wãn³txa² yxo²i²te²na² ya³lu²ju³ta²
 i³ãin²txi¹nx2ti³kxa²yan³txi³su² jau¹xai²na²
 i³yau¹ũ¹jah³lxi³hẽ¹la².

5

Txa²wã¹hxi²kan¹ta² Si³yxau³jah¹la²
 wa³li²ju³ta³nũ³a²i³yau¹ũ³nẽ³jau³su²

1 Txa²wã³tã³nãu³xãi³. Txa²wã¹hxi²kan¹ta²
 Si³yxau³jah¹la² wxã³ju³ta²nũ³su² jau³su²
 ã²la² i³ye³kxi¹nx2ti³sĩ¹na¹ten¹tu³wa².
 Nxe³ha²kxai³ i³ka³la³ki³txi³wa³ka²
 ũ³wha²li¹la³kxi¹nx2ti³sĩn¹nxa³lho³la². Wa³su¹txi³
 wxã³ha²kxai³ ũ³wha²li¹la³kxi¹nx2ti³sĩn¹nxa³lho³la².
 2 Nxe³jut³su² a²nũ²ai²li² yen³kxa² kãi³kxi²te²la³
 wxã³kxai²nãn²tu³ wa³su¹txi³ wxã³te²ju²hẽ³la².

Nxe³kxa² yā¹nxe³te²hū³nxe² Txa²wā¹hxi²kan¹ta²
 Si³yxau³jah¹la² wa³su³txi³ wxā³tu¹wa².
 Ka³nxah³ti³na² tā³nxa² a³lan²tāu³ai²la²
 tā³nxa² wa³su³txi³ wxā³tu¹wa². Nxe³jut3su²
 ha²kxai³ wi¹lī²jah¹lxi³hē¹la². A²nxe³jau³xai²na²
 ha³kxa¹ ā²la² ĩ²yah³lxin¹jau³su² te²jai¹ti²tu³wa².
 Ne³wān²yah³lxi³txa³hē¹la². ³Nxe³ha²kxai³ a²nū²a²
 yxo²ĩ²xā³te²a² e³ain¹jau³nū³a² e³ain¹te³nah¹lxi¹:

— Yen³kxa² ha³kxa¹ wa²su¹wa²su¹nain¹na³li¹.
 Ha³lo²a² wi¹lhāu²non³na³li¹. Ai¹nhī¹na¹
 ha³lo²a² kō³ju³ta³la³ wxā³yain¹tu¹wa².
 Txa²wā¹sū³na² wa³su³txi³ wxā³tāu³a² kō³nxe³ti³
 ĩ³yī¹lain¹tu¹wa². Nxain¹kxai²nān²tu³ hxi²kan¹txi³
 ĩ³hāi³ai¹nxa³lho³la². Txu¹ha² wēh³ni³khaix¹te²a²
 yā¹nxe³nū³nhī³nx2na³la². Ta¹ka³lxai²na² nxe²
 e³te³nah¹lxi¹:

— Txai²na² wēh³nīn²nxa³xī¹. Ain¹kxan²ti³
 ye³jen¹nāu³a² wē³sai²na² ya²la³tu³
 a³li³lah¹hī³nx2na³la². Nxe³kxa²
 yā¹nxe³ti³hū³nxe³ ya²la³tu³ a³ka³nxi²tu¹wa².
⁴Txa²wā³tā³nāu³xāi³. Ju¹tai²li² wi¹kō³nyhah¹lxi¹lxa².
 Wxa²ē¹nāu³ai²na² ĩ³ye³ka²nah¹nē³jut3sū³ju³ta²
 yū³yah²lxan³tho³la². Yah²lxa³nha²kxai³
 Txa²wā¹hxi²kan¹ta² Si³yxau³jah¹la² wxā³ju³ta²nū³a²
 ĩ³wā³wā³jah²lxan³tho³la². A²nū²a² yen³kxa²
 kāi³kxi²sxā³ sa²no¹kxi²nē³jah¹la² wa³su³txi³
 wxā³ti³hū³nxe² Txa²wā¹hxi²kan¹ta² Si³yxau³jah¹la²
 wa³su³txi³ wxā³tu¹wa². ⁵Nxe³yān¹ta¹
 Je³su²jah³lai²na² wān³txa² yxo²ĩ²yah³lxi¹nha²kxai³
 a³lan²ta² wē³ha³lxi³hū³yah³lxi¹lxa².
 Ka³nxah³ta² wē³ha³lxi³hū³yah³lxa³lxa².
⁶ Nxe³ki³jut3su² Txa²wā¹hxi²kan¹ta²

Si³yxau³jah¹la² a³ka³nxi²ju³ta³nũ³a²
 ye³ten³ki³jut3sũ³nxe² wahx3yah³sah¹lxi³hẽ¹la².
 Āu³xi²ya³sah¹lxi³txa³hẽ¹la². Wi¹lĩ²sxã³
 yxau³ya³sah¹lxi³hẽ¹la². 7 Ka³nxa³hi²tãu³a²
 ãu³xi²ta³nxa² ũn³jau³xa² ĩ³na²sxã³ wen¹ta³nxa²
 ain¹te²ju²hẽ³la². 8 Jã¹nxe³sxã³ kwa³jan³ta²
 so³ta²to²nãu³xa² a²wã²la²ka³lo³a²kwa³thi³la³ka³lo³a²
 ũ³whi²kxi²nyhain¹te²ju²hẽ³la². Kwa³thi³la²
 a²ha³la³san¹ka³lo³an²tu³ ũ³whi²kxi²nha²
 kwa³thi³la² ũ³nhe³hẽ¹nha²ka³lo³an²tu³
 ũ³nhe³hẽ¹nha² nxe³ain¹te²ju²hẽ³la². Nx-
 ain¹ju³tan¹te²kxa³yan³tu³ ã³nhe¹lain¹kxai²nãn²tu³
 ũ³hĩx1to³nyhai¹nhĩ³nx2nxa³wa². Jã¹nxe³kxe³hũ³nxe²
 nxe³te²ki³na¹xai²na² a³lan²ti³hũ³ju³ta²
 yxau³ki³te²ki³na¹xai²na² Je³su²jah³lai²na²
 wãn³txa² yxo²ĩ²sxã³ yxau²xai³ki³sa²kxai³
 a³lxi²waun¹nyhu¹sxã³ yxau²xai³ki³sa²kxai³
 Je³su²jah³la² txa²wã¹ko³nxe³ti³ kãi³ki³ju³ta²
 ã³wa²su¹tẽ³jah¹la² a³ka³nxi²ju³ta³nũ³a²
 yxo²ĩ²sxã³ yxau²xai³ki³sa²kxai³ nxe²
 yxau²sa²te³a³sah¹lxi³hẽ¹la². 9 Kxã³nxai³tã²
 txa²wã¹ẽ¹nãu³ai²na² ã³wa²su¹kxi²nẽ³lhĩ¹nai³tã²
 hai³txi³ ko³nxe³ti³ ĩ³yĩ¹li²si¹nhẽ³jau³nũ³su²
 ũh³wxe³kxi²nẽ³lxa³hẽ³la². Yxãn¹ta¹ Je³su²
 Kris²tu³jah¹la² Txa²wã¹hxi²kan¹ta² Si³yxau³jah¹lo²su²
 ha²kxai³ nxe³jah¹la² ko³nxe³ti³ kãi³ki³kxa²
 yo³ha² so¹kxi²nẽ³na²hẽ³la². Nxe³nẽ³lhĩ¹jau³su²
 ũ³whxe³kxi²nẽ³na²hẽ³la². 10 Nxe³sxã³
 ya³lu²kxi²nũ¹nhẽ³ta¹hxai²ti³ai¹ti²tu³wa².
 Nxe³ju³tan¹te²kxa³ya³kxai³lu² ya³lu²sxã³
 sxa³ta³nxa² ka³ten³su² yxau³ta³nxa²
 ĩ²li³jut3su² kxan²ti³ kxã³nãu³a¹ ka³ten³su²

yxau²sa²tē³ya³hain¹ki³tu¹wa². 11 Nxe³jut3su²
 ā³nxũ²kwai³lxũ¹waun¹nyhu¹ah³lxi¹nha²kxai³
 ā³non²ta³kxi²waun¹nyhu¹ah³lxi¹nha²kxai³
 nxe³yah³lxin¹tai¹ti²tu³wa². Hĩ¹na² ā²la²
 kãi²non³jah¹lxi³hẽ¹la².

Pau²lah³lai²na² ā³wa²su¹kxi³jau³su²

12 Txa²wã³tã³nãu³xãi³. Yxo²ĩ²yah³lxin¹kxa²
 a²hxi²kan¹txi³su² te²a² sa²nẽn¹kxi¹jah³lxi³hẽ¹la².
 A²nxe³te²a² kãin² hxi²nũ¹nu¹nx2ti³ha²kxai³
 Txa²wã¹sũ³na² wãn³txa² wain³txi³
 ĩ³tih³nxe³nx2ti³ha²kxai³ nxe³nx2tain¹to³hxai²na²hẽ³la².
 Nxe³nha¹jau³su² thãi³ti³la² e³kxi¹nx2ti³sĩ¹na¹wa².
 13 A²nxe³te²a² wi¹lhen³txi³tain¹yah³lxi³hẽ¹la².
 Nũ³kxũn³sxã³ ĩ²ũ³nx2tai¹nha²kxai³
 a³lxi¹tain¹yah³lxi³hẽ¹la². Hãu²non³sxã³
 yxau²waun¹jah¹lxi³hẽ¹la².

14 Txa²wã³tã³nãu³xãi³. Wxa²yu³ta²
 ha³tih³ ĩ³nxa² a²nũ²ai²na² u³lha²kxai³
 wxa²wa³ka³la² ĩ²ũ³nx2ti³kxe³su² en²kxai²nãn²tu³
 ĩ³kwai²kxi¹txain¹yah³lxi³hẽ¹la². Wxa²yu³ta²
 ha³tih³ ĩ³nxa² yuh³lxi³te²sa²kxai²nãn²tu³
 ĩ³nxũ²kwai³lxũ¹txi³txain¹yah³lxi³hẽ¹la². Āh¹
 a²ha³tih³ ĩ³nxa² nũ³kxũn³txi³ yxo²ĩ²xa³te²a² Sũ³na²
 wãn³txa² wain³jau³su² ĩ³tih³nxe³txain¹yah³lxi³hẽ¹la².
 Ya³nãn³ta³ki²la²sxã³ yxau²xai³la³nha¹jah³lxi³hẽ¹la².
 15 Kō³nxe³ti³ o²la³kxi¹nx2tain¹kxan²ti³ te²yã¹nxe²
 ĩ³wa²lũ³xain¹yah³lxi³txa³hẽ¹la². Yxãn¹ta¹
 wi¹lo²la³kxi²waun¹nha¹jah³lxi³hẽ¹la². A²nũ²a²
 ĩ²li³te²a² yxo²ha³kxa¹te²yã¹nxe³txain¹yah³lxi³hẽ¹la².

16 Hãi¹sxã³ ka³li³sxã³ yxau²xai³jah¹lxi³hẽ¹la².

17 Ha³lo²a² ĩ²li³ju³ta² ĩ³ha¹txi¹nx2ti³kxe³su²

Txa²wā¹sū³na² ī³ye³kxi¹jah³lxi³to³hē¹la². 18 Yen³kxa²wi¹ta³nxa² ko³nxe³ta³nxa² nxe³te²a² wxā³kxan²ti³ Je³su² Kris²tu³jah¹la² wān³txa² yxo²i²ki³sa²kxai³wi¹lxo³kxi¹tain¹yah³lxi³hē¹la². Nxe³ju³tai²li² Je³su²Kris²tu³jah¹la² Txa²wā¹hxi²kan¹ta² Si³yxau³jah¹lo²su²jah¹la² ā³nū²kxi²sxā³ yxau³yah³lxi¹nha²kxai³jau³xai²na² yxo²ha³kxa¹ sa²yxo²wet¹sxā³ yxau²xai³lyah³lxi¹lxa². Nxe³ju³tai²li² Txa²wā¹sū³na²a²ten³ju³tai²la¹wa².

19 Txa²wā¹sū³na² Yāu³ka³jxah¹la²
 ī³ye³kxi¹nx2tain¹kxai²nān²tu³ en²jau³su²
 ī³wa²lū³xain¹yah³lxi³txa³hē¹la². 20 Wxa²yu³ta²
 ha³tih³ ī³nxai²na² ne³te³nah¹lxi¹:
 — Txa²wā¹sū³na² wān³txa² tah²yau³xa²
 yū³nha¹wi¹. Nxe³nx2tain¹kxai²nān²tu³
 ī³kwāi²kxain¹yah³lxi³txa³hē¹la². 21 Wān³txa²
 ne³ka¹jah³lxin¹jau³xa² yxo²ha³kxa¹
 wi¹lhain³nha¹jah³lxi³sā²nhē³la², wain³jau³sxa³kxa²yan³txi³sa³.
 Yah³lxin¹kxai²nān²tu³ wān³txa² wain³jau³xa²
 so¹lxi³ sa²so¹jah³lxi³hē¹la². 22 Yxān¹ta¹
 a²ko³nxe³ju³ta² yxo²ha³kxa¹ ā³na¹hxa³jah¹lxi³hē¹la².
 Yu³ka³na³ka³na³kxan²ti³ ko³nxe³ti³
 kāi³yah³lxi³txa³hē¹la².

23 Nxe³jut3su² Txa²wā¹sū³na² sa²kxai³lu²
 sa²hāu²no³tē³ju³ta² ū³hū¹nē³jah³lo²si²te²kxai³lu²
 wxa²ē¹nāu³ai²na² whāi²na¹ sa²wa²su¹tha²kxai³
 a²ko³nxe³ju³ta² wxa²hxa³kxa²ti³nx2ti³ju³ta²
 nxe² yxau³yah³lxin¹ju³ta² ten³sa²sīn¹nha²wa².
 Nxe³nx2ti³ha²kxai³ wxa²nū²nāu³ai²na²
 whāi²na¹ wxa²ē¹nāu³ai²na² whāi²na¹
 wi¹lhau³ko³txa²lxi³ju³ta² nxe² yxau³yah³lxin¹ju³ta²
 ten³sa²sīn¹nha²wa². Hā²wxān³txa³

Txa²wā¹hxi²kan¹ta² Si³yxau³jah¹la² Je³su²
 Kris²tu³jah¹la² a³ka³nxi²tāu³a² wi¹lī²nx2ti³tu¹wa².
 Hai³txi³ kō³nxe³ti³ kâi³yah³lxin¹ju³ta²
 a³ya³txi¹nx2ti³xa³lho³la². 24 Nxe³jut3su²

Txa²wā¹sū³na² wān³txi³khai³su² ha²kxai³ i²sxā³
 i³so¹nx2ti³ha²kxai³ sa²yo²ā³nx2ti³xa³lho³la².

25 Txa²wā³tā³nāu³xāi³. Txa²wā¹sū³na²
 e³kxi²yah³lxī³to³hin¹tāu³a² txa²wā¹kī³na¹xai²na²
 nxe³wān²yah³lxī³txa³hē¹la².

26 Txa²wā¹sū³na² wān³txa²yo²i²yah³lxī¹nha²kxai³
 ne³kxauh²xi²nyhu¹ah³lxin¹kxai²nān²tu³
 i³yo²sai¹la³kxi²nha¹ju³ah³lxī³hē¹la².

27 Jā¹nxa¹jau³su² Sū³na² wān³txa²
 ū³wha²li¹la³kxi¹nx2ta¹wa². Nxe³jau³xai²na²
 yo²i²ain¹tū³kā³txa² a²yo²ha³kxa¹
 i³hen³txi³tain¹yah³lxī³hē¹la². A²nxe³ju³tai²li²
 Txa²wā¹hxi²kan¹ta² Si³yxau³jah¹la²
 i³kwa³na³kxi²nē³jau³su² na³la².

28 Nxe³na¹jut3su² Je³su² Kris²tu³jah¹lai²na²
 Txa²wā¹hxi²kan¹ta² Si³yxau³jah¹lo²su² ha²kxai³
 thāi³ti³la² a³lxī¹nx2ti³ju³ta² ten³sa³nha²wa². Txai²li²
 Pau²lah³lo²na¹xai²li² ta³lu²na¹wa².

Txa²wã¹sũ³na² Wãⁿ³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

5198f7a7-ab9d-5d69-b112-d94960f81d2a